

Ze barri?

ESKORIATZA / Egubakoitza / 2005eko uztailaren 15a / 218. zenbakia

KOORDINATZAILEA: Jon Berezibar • Otolora 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebarri@goiena.com • Lege gordailua: SS200/99

Gaurko batzar orokorrarekin itxiko du kirol elkarteak denboraldi bikain hau

JON BEREZIBAR

Gaur arratsaldean egingo dute Eskoriatzako Kirol Elkarteak ohiko batzar orokorra. Urteko kontuak onartu eta gogoetak egiteko txanda ere izango da, eta aurtengoan sekula baino ondorio positiboagoak aterako dituzte. Urtea "bikaintzat" jo du kirol elkarteak.

Oraindik datorren urterako aurrekontua lotzeko badago ere, aurtengo gaingidutako duela badakite kirol elkarteak. Aurten lortutako emaitzak ikusita, datorren urtean mailari eusteko lanean jarraituko dutela dio Manolo Muñoz bazkideak. Horretarako 52.500 euroko aurrekontua izango dute, gaur arratsaldean bazkideek kopurua onartzen badute.

Lorpenez betetako denboraldia izan da bukatu berri den hau, Eskoriatzako Kirol Elkarteakondako. Saskibaloitza talde nagusia, esaterako, lan polita eginda, Euskal Ligatik Bigarren Nazionalera igo da. Datorren denboraldia begira, beraz, kosta ahala kosta eutsiko diotela ziurtatu du Muñozek. Hori izango da helburu nagusia, gainontzeko taldeen lana gutxietsi barik, aurten fin ibili dira-eta elkarteak beste taldeak. Esate baterako, aurten bere



MANOLO SORIANO

Nesken saskibaloian mailari eustea izango da helburu nagusietako bat.

lekua aurkitzea lortu du bigarren taldeak Arabako Ohorezko Ligan (futboleko preferente maila litzatekeena). Pilotan ere ez dira lotan geratu eskoriatzarrak, eta bikote bat sailkatzea lortu dute Debarroko txapelketan.

Lorpenak, gainera, ez dira txapelketa eta partiduei dagokienez bakarrik izan. Makina bat

Amaitu berri duten denboraldia "errepika ezintzat" jo dute kirol elkarteak

ekimen antolatuta dituzte joan den denboraldian, nahiz eta urte hasieran horren urrun iritsiko zirela pentsatu ez. Izan ere, Eskoriatzako Kirol Elkarteak gurean Jesus Candelers entrenatzailea, areto futboleko munduko teknikaririk onena, askoren iritziak. Gonbidatuz gain, maila handiko partidua izan dira herrian. Vallado-

Gellaoko eta Gorosarrirako bideen auzia erabakitzeaz

J.B.

Alegazioak aurkezteko epea amaituta, gaurko osoko bilkuran da erabakitzeaz Gellaoko eta Gorosarrirako bideen jabetza publikoa edo pribatua den. Datorren astean emango da aditzera erabakia.

Aitatutako bideen erabilpenak publikoa edo pribatua izan behar duen jartzen du auzitan Udalak. Orain dela sei bat hilabete ekin zion

Udalak berak argiketa prozesuari. Orain arte informazioa batu eta lekukoekin ibili dira berba egiten.

ZALANTZAK ARGIKETETAN

Auzo horietako bizilagun batzuek esaten dutenez, jabetza pribatukoak dira bideak, eta hori dela-eta bideratu zituen ikerketak Udalak. Espedientea iaz ireki zuten eta orain arte frogak bilatzen ibili dira udal teknikariak. Udalak abiarazi zuen ikerketa eta Udalak berak landu du gaia, auzitara-eta eraman

barik. Izan ere, Udalak uste duen moduan publikoak badira bide horiek, hari dagokio prozesua aurrera eramatea. Horretarako udal artxiboetara ere jo dute. Argibide askok, baina, zalantza gehiago sortu dituzte.

Bitartean, esandako moduan, lekukoekin elkarrizketak izan dituzte eta alegazioak jaso dira. Eguenean bertan bildu zen batzar informatiboa interesatuekin, eta gaurko osoko bilkuran jorratuko dute gaia erabakia hartzeko.



Gellao auzoan dago eztabaida sortu duen bideetako bat.

TELEFONO JAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udalzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzalea	943 71 31 36
Kirol etxea	943 71 53 28
Liburutegia	943 71 31 35
Luis Eceiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Avtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oriati)	943 79 28 00
Rente (Zumarraga)	943 72 15 15
Rente (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Delak	112

OHARRAK

MANKOMUNITATEAREN OHARRA

Debagoieneko Mankomunitateak herritarrei jakinarazi gura die abuztuan ez dutela traste zaharren bilketarik egingo herrian. Zabor-bilketa, aldiz, ohiko egunetan eta orduetan egingo dute.

ABUZTUAN EZ DA MEZARIK IZANGO

Abuztuan mezarik egongo ez bada ere, Andra Mari egunean 11:00etan izango dute auzotarrek meza.

NAIRA Taberna

Aranburuzabala 16
Eskoriatza. 943 71 46 71

Hainbat kontu gaurko ezohiko osoko bilkurarako

J.B.

Gaur arratsalderako, ezohiko osoko bilkura deitu du Udalak. Han landuko dute autobidearen eraikuntzari egindako alegazioen gaia, baina badira bestelako gaiak ere. Santa Marinako etxeen kontratazio espedientea ireki egingo dute eta Gellao eta Gorosarrirako bideen auzia argitu.

Santa Marinaran eraikiko diren etxebizitzaren kontratazio espedienteari hasiera emango zaio gaurko bilkurarekin. Udalak partzela bi ditu auzoko lurretan eta han eraikitzeo lehiaketa ireki du. Prezio tasatuan 28 etxebizitzara eraiki gura ditu Udalak aipatutako lurretan.

Eraikitze lanekin jarraituta, Dorleta berriro urbanizatzeko proiektua ere onartu egin dutela jakinarazi du Udalak. Joandako

hilaren 23an egin zen hori, eta hasierako onarpen horrekin, hamabost eguneko alegazio epea ireki dute. Epea datorren martitzenean amaituko da. Halaber, Aranburuzabala kaleko 19. zenbakian espaloia egiten hasi dira dagoeneko. Orain arte kale horrek bi noranzko izan ditu, baina lanak amaitutakoan, bakarra izango du, orain dagoen moduan, hain zuzen ere. Hortaz, Aranburuzabala kalerik Dorletara sartu bakarrik egin ahal izango da etorkizunean.

UDAL OHARRAK

Gizarte Zerbitzuetatik herritarrei laguntza eskatzeko deialdia egiten zaie. Etxez etxeko laguntza zerbitzuan jende faltan dabilta, batez ere auzo eta baserrietarako. Irekia da deialdia, baina automobila izatea baloratuko da batez ere. Arazo gehien abuztuari begira ikusten dituzte, bereziki baserrietarrei laguntza emateko orduan.



4x4 autoen topaketa Apotzagan

Auzoko zabortegei oihan 4x4 jeepen kontzentrazioa egin zuten joandako zapatuan. Putzuak, lokatza, hobiak... Edozein oztopo txikia izan zen bildu ziren 32 parte-hartzaileentzat. Zirkuituan Goizeder Beltza izan zen txapelduna/J.B.



Astelehenean eskainiko dute *Los chicos del coro* film frantziarra.

Film aukera polita asteko udal-emanaldietan

J.B.

Datozen egunetan ere bere horretan jarraituko dute ohiko zine emanaldiek. Gaur bertan *Los Increíbles* eskainiko dute, baina bestelako filmak ere izango dira hurrengo emanaldietan. Horietatik aipagarriena *Los chicos del coro* frantsesa, datorren astelehenean. Jarraian guztien xehetasunak.


Gaurko emanaldian gaztetxoek izango dira pantaila handiaren jaun eta jabe. *Los increíbles* marrazki bizidunen filma emango dute herriko plazan, 22:15ean, ohi bezala. Super-heroi familia baten gorabeherak kontatzen ditu filmak. Ordenagailu bidez marraztu dute eta genero horretan azkenaldian arrakasta handien izan duen film luzeetako bat da. Haurrei zuzendua bada ere, era horretako ekoizpenek beti izan ohi dute gurasoentzako keinu bat edo beste.

Astelehenean, osteran, sorterriko mugetatik kanpo ikusleen oniritzia izan duen frantziar film bakarrenetarikoa izango da ikusgai: *Los chicos del coro*. Izatez ekoiz-

pena Alemania, Suitza eta Frantziaren artekoa izan da eta musika aldetik bikaina izan dira soinu banda originalak izandako kritikak. Arazoak dituzten adin txiki-koen barnetegi batean girotzen da filma, 50eko hamarkadan. Istoria goxoa eta familian ikustekoa da. Film horrek ordezkatu zuen Frantzia azken Oscar sarietan.


Frantziarren asmoetatik urrun gelditzen da eguaztenean eskainiko duten filma: *El diario de Bridget Jones, sobreviviré*. Bere buruarengan konfiantza txikia eta gizon bat harrapatzeko gogo handia duen neska horren bigarren filma da. Maitasun-komedia da eta Renee Zellweger eta Hugh Grant topatuko ditugu bertan.

Ostiralean, hilak 22, superheroiak itzuliko dira herriko plazako pantailara. Oraingoan hezurharagizkoak izango dira pertsonaiak, ordea. Spiderman-en abenturen bigarren zatia eskainiko dute datorren asteko emanaldian. Octopus Doktoarearen aurka egin beharko du borroka Spidermanek azken film horretan. Adin guztiendako da gomendagarria eta Tobey Mcguire eta Kirsten Dunst dira aktore nagusiak.



Fagor Ederlan

Fagor Ederlan, Elk. Koop.
Gastañadui auzoa 42
20540 Eskoriatza
Gipuzkoa
Tel: +34 943 719 000
Fax: +34 943 719 001



AZKOAGA

ESTANKOA

943 71 48 77

Zure
Zerbitzura